

Bulletin 19-12-2024

- डॉ. बी.आर. अंबेडकर हुंदे पर गृह मंत्री अमित शाह हुंदे आस्सेआ कीती गेदी टिप्पणी करी संसद च होए दे हंगामे करी दौनें सदनें दी कार्यवाही अज्ज दिन भरै लेई स्थगित।
- राज्यसभा च बरोधी धड़े आसेआ सभापति जगदीप धनखड़ हुंदे खलाफ आह्ने गेदे अविश्वास प्रस्ताऽ गी खारिज करी दित्ता गेआ ऐ।
- सरकार 'इक देश इक चुना' सरबंधी विधेयकें गी संसद दी सांझी समिति गी सौंपा करदी ऐ।
- दक्खनी कभीर दे कुलगाम जिले च कदेर बेहीबाग च आतंकवाद-रोधी अभियान च सुरक्षाबलें 5एं आतंकवादिएं गी मारी मकाया ऐ।
- अमरीका नै पाकिस्तान दिएं चार संस्थाएं पर बंदिशां लाई दित्तिआं न। इंदे च राष्ट्री विकास परिसर-एनडीसी बी शामिल ऐ जेह्दे पर पाकिस्तान दे बैलिस्टिक मिसाइल कार्यक्रम च सैह्योग दा आरोप ऐ।
- भारत ते पाकिस्तान बश्कार मैच 2027 तगर आपसी सहमति आली थाहरें पर खेडे जाडन आक्खेआ आईसीसी न।



Parliament

संसद दे दौनें सदनें दी कार्यवाही च अज्ज, डॉ. बीआर अंबेडकर हुंदे पर गृह मंत्री अमित शाह हुंदी, कीती गेदी टिप्पणी करी केई बारी विघ्न पेआ। एह लगातार दुआ ध्याड़ा ऐ, जिसलै लोकसभा ते राज्यसभा च कोई बी महत्वपूर्ण कम्म नेई होई सकेआ। लोकसभा दी कार्यवाही बड़डलै पैहली बारी स्थगित कीते जाने दे बाद दपैहरी 2 बजे जेल्लै पही शुरु होई, तां कांग्रेस, डीएमके, समाजवादी पार्टी ते होर दुए बरोधी सांसद सदन दे बिच्चो-बिच्च आई गे। किश सदस्य गृह मंत्री हुंदे खलाफ नारेबाजी करदे होई अध्यक्ष हुंदे आसन कश बी पुज्जी गे। शोर-शराबे ते डंड-रौली दे चलदे पीठासीन अधिकारी होरें सदन दी कार्यवाही दिनभरै लेई स्थगित करी दित्ती। एह्दे शा पैहले बड़डलै जिसलै सदन दी कार्यवाही शुरु होई, तां बरोधी दलें श्री शाह हुंदी टिप्पणी पर बरोध जताया। किश सदस्य सदन दे बिच्चो-बिच्च बी आई गे। हंगामे दे चलदे अध्यक्ष ओम बिरला होरें सदन दी कार्यवाही दपैहरी 2 बजे तगर लेई स्थगित करी दित्ती। राज्यसभा च बी नेय गै हालात बने दे रेह। दपैहरी 2 बजे तगर स्थगित होने दे बाद जिसलै सदन दी कार्यवाही परतियै शुरु होई तां संसद भवन परिसर च बरोध प्रदर्शन दे दरान बीजेपी दे द'ऊं सांसदें दे जख्मी होने दी घटना दा मुद्दा पुट्टेया गेआ। बीजेपी सांसद फागनोन कोन्याक होरें आरोप लाया जे संसद दे बाहर बरोध प्रदर्शन दे दरान लोकसभा च विपक्ष दे नेता राहुल गांधी होरें उंदे कन्नै माड़ा बवहार कीता। एह्दे शा पैहले, जिसलै सदन दी कार्यवाही शुरु होई, तां सभापति जगदीप धनखड़ होरें श्री शाह हुंदी टिप्पणियें ते होरनें मुहें पर बरोधी सांसदें आसेआ दित्ते गेदे स्थगन नोटिस गी नामंजूर करी दित्ता। कांग्रेस, डीएमके, आम आदमी पार्टी, समाजवादी पार्टी, आरजेडी, वामपंथी ते होरनें विपक्षी सदस्यें गृह मंत्री हुंदे खलाफ नारे लाए। सभापति होरें सदन च बवस्था बनाई रक्खने दी गुजारिश कीती पर कोई फायदा नेई होआ। मगरा उनें सदन दी कार्यवाही दपैहरी 2 बजे तगर स्थगित करी दित्ती।



BJP Congres Complaint

भारतीय जनता पार्टी ते कांग्रेस नै दिल्ली पुलिस कश बक्ख बक्ख शैता दर्ज रोआईयां न। बीजेपी नै अज्ज संसद भवन च विरोध प्रदर्शन दौरान मारपीट ते उकसावे करी पार्टी दे दो सांसदें दे घायल होने बारे च कांग्रेस दे वरिष्ठ नेता राहुल गांधी हुन्दे खिलाफ दिल्ली पुलिस च शकैत दर्ज कराई ऐ। तोआई, कांग्रेस सांसदें दा इक प्रतिनिधिमंडल बी थाने पुज्जा ते भाजपा खिलाफ शिकायत दर्ज कराई।



RS-Confidence Motion

राज्यसभा दे उपसभापति हरिवंश होरें सभापति जगदीप धनखड़ हुंदे खलाफ आहन्ने गेदे अविश्वास प्रस्ताऽ गी खारिज करी दित्ता ऐ। बरोधी दलें सभापति हुंदे पर फर्कोफर्की आहले तरीके कन्नै कम्म करने दा आरोप लांदे होई उंदे खलाफ अविश्वास प्रस्ताऽ पेश कीता हा। उपसभापति होरें इसी उपराश्ट्रपति जगदीप धनखड़ हुंदी प्रतिष्ठा गी खराब करने दी कोशश लेई गैर—मुनासब, गंभीर रूप कन्नै दोषपूर्ण ते काहली—काहली च आहन्नेआ गेदा प्रस्ताऽ करार दित्ता। उनें आखेआ जे एहदा उद्देश्य संवैधानिक संस्थाएं गी नुकसान पुजाना ऐ। इस म्हीने दी 10 तरीक गी श्री धनखड़ होरें गी उंदे औहद्धे शा हटाने लेई घट्टोघट्ट 60 विपक्षी सदस्यें इस नोटिस पर दस्तख्त कीते हे।



LS

शिडक यातायात ते राष्ट्रीय जरनैली शिडकें सरबंधी मंत्री नितिन गडकरी होरें आखेआ ऐ जे हरित राजमार्ग नीति 2015 मूजब, सारी राष्ट्रीय जरनैली शिडकें सरबंधी परियोजना क्षेत्र चे बूटे लाए जा र दे न। उने आखेआ जे अजें तगर राष्ट्रीय जरनैली शिडकें पर 62 हजार किलोमीटर सोयां मते क्षेत्र च बूटे लाए जाई चुके दे न। गडकरी होरें लोकसभा च आखेआ जे हरित राजमार्ग नीति करी बूटे लाने, नर्सरी विकास, रखरखाव ते संबंधित गतिविधियें करी लोडचदी गिनचतरी च प्रतक्ख ते अप्रत्ख रोजगार पैदा होडन। उने आखेआ जे इनें मौके कन्ने मुख तौर पर ग्रामीण समुदायें गी लाह होग। इसदे च आप सहायता समूह, राष्ट्रीय ग्रामीण आजीविका मिशन ते राज्य ग्रामीण आजीविका मिशन कन्ने जुड़ी दी महिला ते कमजोर समूह शामिल न।



PM Gati Shakti

उद्योग ते व्यौपार मंत्रालय नै आखेआ ऐ जे रेल ते सड़कें दे बुनियादी ढांचे दी 5 परियोजनाएं दा मूल्यांकन नेटवर्क योजना समूह— एनपीजी दी 85मीं बैठक च प्रधानमंत्री गतिशक्ति राष्ट्रीय मास्टर प्लान— पी.एम.जी.एस—एन.एम.पी दे तैहत कीता गेआ ऐ। मंत्रालय नै दस्सेआ ऐ जे रेलवे दी दो होर राष्ट्रीय जरनैली शिडकें दे विकास परियोजनाएं दा मूल्यांकन, पैहल दे सिद्धांत दे मूजब कीता गेआ ऐ। इनदे च मल्टीमॉडल ढाचागत एकीकृत विकास, आर्थिक ते समाज दे मुख विषे तकर देशें दे अखीरले व्यक्ति दी पुज्ज, इंटरमॉडल सम्पर्क ते परियोजनाएं दी किट्टे अमलावरी शामिल ऐ। मंत्रालय नै आखेआ ऐ जे एह परियोजना मुख दे विकास च महत्वपूर्ण भूमिका निभाडन। एह परियोजना लॉजिस्टिक कार्यकुशलता गी बढ़ावा देईऐ यात्रा दे समें च कमी आडन। ते आले दोआले दे इलाकें च आर्थिक लाह प्रदान करडन।



JPC-ONOE

सरकार 'इक देश इक चुनां' सरबंधी विधेयकें गी संसद दी सांझी समिति गी सौंपा करदी ऐ। इस प्रस्तावित समिति च कुल 31 सांसद शामिल न जिंदे च लोकसभा दे 21 ते राज्यसभा दे 10 मेंबर न। समिति च बीजेपी दे पी.पी. चौधरी, अनुराग सिंह ठाकुर ते परशोत्तम भाई रूपाला, कांग्रेस पार्टी दिआं नेता प्रियंका गांधी ते मनीश तिवारी, तृणमूल कांग्रेस दे कल्याण बेनर्जी ते राष्ट्रवादी कांग्रेस पार्टी शरद पवार गुट दिआं सुप्रिया सुले शामिल न।



Jal Shakti Minister

जल शक्ति मंत्री सी आर पाटिल होरें आक्केआ ऐ जे उन्दी सरकार उने राज्यें कन्ने रलिए कम्म रा र दी ऐ, जित्थे अजें तगर ग्रामीण घरें च 100 फीसद नलके राएं पीने आले पानी दे कनेक्शन उपलब्ध नैई कराए गए न। नमी दिल्ली च संवाददाता सम्मेलन च श्री पाटिल होरें आखेआ जे अजें बी चार करोड़ घर ऐसे न, जिनदे च नलके राएं पानी दा कनेक्शन नैईऐ। मंत्रालय नै सरबंधित राज्यें कन्नै चर्चा करिऐ, नल—जल कनेक्शन उपलब्ध कराने च तेजी आनने दा आग्रह कीता ऐ। जल जीवन मिशन बारे च दस्सदे होई पाटिल होरें आक्केआ जे इस मिशन कन्नै ग्रामीण क्षेत्रें च रोजगार गी बढ़ावा थोआ ऐ ते पलायन बी घटेआ ऐ।



Maharashtra-Onion

महाराष्ट्र दे उप-मुख्यमंत्री अजीत पवार होरें केंद्र सरकार सोयां गंडे पर 20 फीसद निर्यात शुल्क हटाने दी अपील कीती ऐ। इसदा मकसद राज्य दे करसानें गी जरूरी राहत प्रदान करना ऐ। पवार होरें केंद्रीय उद्योग मंत्री पीयूष गोयल होरें गी लिखी दी चिट्ठी च नासिक जिले च गंडा उत्पादक करसानें दे सामने औने आली मुश्कलें बारे च दस्सेआ। नासिक जिला, देशै दे सब्बन थमां बड्डे गडें दे उत्पादन आहले क्षेत्रें चा इक ऐ।



RS-Bangladesh

केंद्र सरकार नै बांग्लादेश च हिन्दुएं ते होरनें अल्पसंख्यकें दे घरे ते व्यापारिक प्रतिष्ठानें, मंदिरें ते धार्मिक थाहरें पर हमलें ते हिंसा दी घटनाएं गी गंभीरता कन्नै लैता ऐ। विदेश राज्य मंत्री कीर्ति वर्धन सिंह होरें राज्यसभा च इक सोआले दे लिखित परते च दस्सेआ जे सरकार नै बांग्लादेश सरकार कन्नै इने घटनाएं पर अपनी चिंताएं गी साझा कीता ऐ। सिंह होरें आक्खेआ जे बांग्लादेश सरकार नै अल्पसंख्यकें कन्नै जुड़ी दी हिंसा दे सरबंध च हुनै तैगर तक 70 लोकें गी गिरफ्तार कीता ऐ। ते 88 मामले दर्ज कीते गए न। उने आक्खेआ ऐ जे अल्पसंख्यकें सनें बांग्लादेश दे सारे नागरिकें दे जीवन दी सुरक्षा दी पैहली जिम्मेदारी बांग्लादेश सरकार दी ऐ। केंद्रीय मंत्री होरें आक्खेआ जे भारत मेद करदा ऐ जे बांग्लादेश सरकार हिंदुएं ते होरनें अल्पसंख्यकें दी सुरक्षा ते कल्याण आस्तै लौडचदी गै पुडोग।



HM Amit Shah

केन्द्री गृहमंत्री अमित शाह होर अज्ज नमीं दिल्ली च इक उच्च स्तरी बैठक दी अध्यक्षता करडन। बैठक च जम्मू-कश्मीर सनें सुरक्षा सरबंधी केई महत्वपूर्ण मुद्दे उपपर सोच बचार कीता जाग। जम्मू कश्मीर दे उपराज्यपाल मनोज सिन्हा होर बी इस बैठक च शामिल होडन। बैठक दा मकसद जम्मू कश्मीर च रमानदारी ते स्थिरता जकीनी बनाने दिए नीतिएं दी समीक्षा करना ऐ। एहदे च राष्ट्री सुरक्षा सलाहकार अजीत डोभाल, केन्द्री गृह सचिव गोविंद मोहन, खुफिया विभाग दे निदेशक तपन डेका, थलसेना प्रमुख उपेन्द्र द्विवेदी, केन्द्री थेआरबंद बलें दे महानिदेशक, जम्मू कश्मीर दे मुख सचिव ते पुलस महानिदेशक बी शामिल होडन। एहदे शा पैहले गृह मंत्री होर जंदी 16 जून गी राष्ट्री राजधानी इस इससै चाल्ली दी इक जायजा बैठक दी प्रधानता कीती ही।



Encounter

दक्खनी कश्मीर दे कुलगाम जिले च कदेर बेहीबाग च आतंकवाद-रोधी अभियान च सुरक्षाबलें 5 आतंकवादिएं गी मारी-मुकाया ऐ। आकाशवाणी दे श्रीनगर संवाददाता नै दस्सेआ ऐ जे फौज दे प्रवक्ता होरें टाक्करे च द'ऊं जवानें दे जख्मी होने दी तसदीक कीती ऐ। एहदे शा पैहले इस इलाके च आतंकवादिएं दी मजदगी बारे इक पक्की सूह थोने परैन्त सुरक्षाबलें जंदी रातीं उत्थे घेराबंदी ते तपाशी अभियान चलाया। जि'आं गै सुरक्षाबलें दे जवान संदिग्ध थाहरै कश पुज्जे तां उत्थे छप्पे दे आतंकवादिएं उंदे पर अन्नेबाह गोलीबारी शुरु करी दित्ती जेहदा सुरक्षाबलें बी तुरत बनकदा परता दित्ता ते टाक्करा भखी पेआ।



US Sanction-Pak

अमरीका नै पाकिस्तान दिए चार संस्थाएं पर बंदिशां लाई दित्तिआं न। इंदे च राष्ट्री विकास परिसर-एनडीसी बी शामिल ऐ जेहदे पर पाकिस्तान दे बैलिस्टिक मिसाइल कार्यक्रम च सैह्योग दा आरोप ऐ। जेहड़ी होरनें संस्थाएं पर बंदिशां लाइयां गेइयां न उंदे च कराची दे अख्तर एंड संस प्राइवेट लिमिटेड, एफिलिएट्स इंटरनेशनल ते रॉकसाइड एंटरप्राइजेज शामिल न। अमरीकी विदेश विभाग नै

आखेआ ऐ जे इनें संस्थाएं करी सामूहिक विनाश आहले थेहारे दे प्रसार ते इस्तेमाल दा खतरा पैदा होई गेआ ऐ।



ICC Verdict

अंतर्राष्ट्रीय क्रिकेट परिषद— आई सी सी, पाकिस्तान दी मेजबानी च अगले बरे होने आली चैंपियंस ट्रॉफी क्रिकेट टूर्नामेंट दे आयोजन गी लेईए इक सहमति पर पुज्जी गई ऐ। फैसले मजूब 8 टीमें आले इस टूर्नामेंट आस्तै भारत दे मैचें दा आयोजन पाकिस्तान दी थाहर होरनें देशें च कराया जाग। इसदे बदले च भारत आस्सेआ आईसीसी टूर्नामेंट दी मेजबानी च पाकिस्तान दे मैच बी भारत दे बाहर आयोजित कीते जाडन। एह समझौता, पाकिस्तान च 2025 च होने आली चैंपियंस ट्रॉफी, भारत च 2025 च महिला एकदिवसीय क्रिकेट विश्व कप ते 2026 च भारत ते श्रीलंका आस्सेआ सांझे तौर पर आयोजित कीते जाने आहले ट्वेंटी-ट्वेंटी क्रिकेट विश्व कप पर भी लागू होग।



Foegin Secretary

विदेश सचिव विक्रम मिश्री कल सोयां मॉरीशस दी त्रै दिन दी सरकारी यात्रा पर रौडन। प्रधानमंत्री नवीनचंद्र रामगुलाम हुन्दी अगुवाई च मॉरीशस च नमी सरकार बनने मगरा भारत ते मॉरीशस बश्कार एह पैहली उच्च स्तरीय दपक्खी गल्लबात होग। एह यात्रा दोनें देशें बश्कार नियमित उच्च स्तरीय आदान-प्रदान दा इक सिलसिला ऐ। एह, बिजन सागर, अफ्रीका फॉरवर्ड नीति ते ग्लोबल साउथ प्रति भारत दी प्रतिबद्धता दे तैहत, मॉरीशस कन्ने ओदे सरबंधें गी दिती जानी आहली प्राथमिकता गी दर्शान्दी ऐ। भारत ते मॉरीशस बश्कार सदियें पुराने सरबंध न, जेडे साझा इतिहास, संस्कृति ते परंपरा पर आधारित न। दौनें मुखें बश्कार केई क्षेत्रें च सहयोग दा बी रिश्ता ऐ। एह यात्रा मॉरीशस कन्ने भारत दे दपक्खी सरबंधें गी होर अग्रे बदाने दा मौका होग।



RS Sports Fund

खेडें सरबंधी मंत्रालय नै आक्खेआ जे मुख्य च कबड्डी, खो-खो, कुश्ती ते फुटबाल सनें होरने खेडे गी बढावा देने आस्तै खेलो इंडिया जनेई योजना लागू कीतियां जा र दियां न। राज्यढसभा च इक सोआले दे लिखित परते च युवा मामले ते खेड सरबंधी मंत्री मनसुख मांडविया होरें दस्सेआ जे खेडें दे विकास आस्तै राष्ट्रीय कार्यक्रम खेलो इंडिया दे अलावा राष्ट्रीय खेल महासंघ गी सहायता उपलब्ध कराने, अन्तर्हाराष्ट्रीय खेड प्रतियोगिताएं दे विजेताएं ते उनदे कोचें गी खास इनाम ते राष्ट्रीय खेड पुरस्कारर प्रदान करने सरबंदी योजना लागू कीतियां जा र दियां न। डॉक्टर मांडविया होरें दस्सेआ जे मुख्य च हुनरमंद ते बेहतरिन खडारिएं गी पेंशन दिती जा र दी ऐ। 2023-24 दौरान 7 सौ 96 करोड रुपे जारी कीते गए न। इक होर लिखित परते च मंत्री होरें दस्सेआ जे खेलो इन्डिया स्कीम तैहत इक हजार 2 सौ 50 खेलो इन्डिया केन्द्रें गी मंजूरी दिती गई ऐ।

